

Hichtoire di cainton di Jura poi J-M. Moine

Premiere païtchie : dâs l'ourine djainqu' en 1947, quéques împoétchaints points

999	L' rei d' Boérgogne, ci Roûedi III é pavou po son aîme tiaînd qu' vînt l' an Mil ; è crait qu' ç' ât bîntôt lai fin di monde. È bèye ses tieres d' l' aïbbacie de Môtie-Graind-Vâ en l' Évêtche de Baîle.
XVIe siecle	Lai Réframe diaingne lai vèlle de Baîle. L' Évêtche s' dait sâvaie è Poérreintru qu' sré lai caipitale d' lai Princhipâtè. Lai Réframe vînt âchi è Biene, dains l'Erguel (dains l' Vâ d' Sint-Émie), en Lai Neuvevèlle pe d' lai sen d' tchie les Négres (è Laufon que r'péss'ré pus taîd â caitholichichme).
XVIIe siecle	Lai dyierre de Trente ans fait brâment d' dannaidge tchie nôs. L' Évêtche épreuve de faire è r'cidre l' Évêtchâ c'ment cainton d' lai Suisse, mains è n'y airrive pe.
1730	D'aivô ci Pierat Péquignat en sai tête, les païyisains d' Aîdjoûe s' choy'vant contre le pînce.
1739	Trêté d' aiyaince d'aivô lai Fraince qu' veut aïppoétchaie son éde en l' Évêtchâ, che ç'tu-ci ât m'naichie poi îñ étraîndge païyis obîn poi des troubyes di d'dains.
1740	L' 27 d' aivri, les sudaîts d' ci Louis XV entrant en Aîdjoûe, Èls otiupant Cornô pe Coérdgenaie laivoû qu' ès vouldpînant les mâjons. L' 31 d' octôbre an copont lai tête d' ci Piera Péquignat d' vaint d'écâchaie son coûe d' vaint lai Mâjon d' Vèlle de Poérreintru.
1792	Ènne fraîçaise airmée d' l' Eur'jippe (Révolution) envayât l' Évêtchâ d' Baîle.
1792 - 1793	An fait di Jura ènne Rauracienne Répubyitche dôs lai vadge d' lai Fraince d'aivô ènne Conchtituchion que r'sanne en ç'té qu' è y é en Fraince.
1793 - 1814	L' Jura ât raidjoutè en lai Fraince, en premie c'ment qu' « Dépaïtch'ment di Mont-Terri », p' aïprès c'ment qu' païtchie di dépaïtch'ment di Hât-Rhîn. Brâment d' Jurassiens faint lai dyierre dains les airmées d' ci Napoléon. An trove bîn des jurassiens offichies, meinme des jurassiens dgén'râs.
1815	Aïprès lai raïçhèe d' ci Napoléon, an raimoinne lai Fraince en ses véyes frontieres. Ç' ât l' Consaye de Viene (Congrès de Vienne) qu' dait chtaituaie chus les r'bèyies tieres. Ci Consaye voérait faire îñ novè cainton d'aivô Biene pe l' véye Évêtchâ d' Baîle. Mains Bierne n' ât p' d' aïccoûe poch'qu' èl é ènne aiyaince de comboirdgeaisie d'aivô l' Vâ d' Sint-Émie qu' è n' veut p' piedre. En pus d' çoli, an pregnont è Bierne les baiyaïdges de Vaud pe d' Airgovie po en faire des caintons suisses. Dâli, sains ran d' maindaie en niun, po qu' Bierne ne pûereuche pus, l' Consaye de Vienne bèyé l' véye Évêtchâ d' Baîle â cainton d' Bierne. Bierne sîngne îñ airraîndg'ment : èlle dait rétropaie lai caitholitche r'lidgion dains l' Jura pe aïchurie les meinmes drêts és Jurassiens qu' és Biernois di véye cainton.
XIXe siecle	Mâgrè ç't' airraîndg'ment, Bierne tchie è t'ni l' Jura dôs roûetche (asservir le Jura). Pus d' îñ còp, des biernois sudaîts otiupant l' Jura. En 1836, Bierne aïdopte les biats d' Baden (articles de Baden) : l' Etat s' veut mâchaie des aïffaires di Môtie. Dains l' Jura di Nord an breûye : « È fât tchittie l' cainton d' Berne ! » obîn « Meu vârait être des Fraîçais ! ». È fât lai m'naiche des Fraîçais po qu' les biernois sudaîts se r'tireuchint. Ènne d' maindouse émeusse d' lai chuprâtè ât en mairtche. Vés 1870, è câse des r'lidgiouses yutes di Kulturkampf, les caitholitches tiuries sont mâmoînnè, ç' que raittûje des véyes tchicoènes.
1914 – 1918	Di temps d' lai premiere mondiâ dyierre, les romands d' maindous d' lai chuprâtè chôtniant les Fraîçais pe yôs aiyies, les d' maindous Alboches d' lai chuprâtè çhainnant putôt d' lai sen d' l' Aill'magne.
1919 – 1946	L' fûe gome dôs lai ceindre pe s' renfûe quéques còps poi-chi poi-li.. È veut fayait aïttendre les è-djoués d' 1947 po qu' païtcheuche lai mairtche qu' veut moïnaie en lai chuprâtè d' ènne païtchie di Jura.